

Rapport annual 2018 da l'Uniun per la Litteratura Rumantscha

Purschida:

Inscunter litterar (punct dubel) e novitads litteraras

Ensemen cun la CER ha l'ULR organisà l'onn passà dus inscunters litterars «punct dubel»: ils 17 da mars han Attilio Bivetti e Leontina Lergier-Caviezol prelegì da lur texts per part anc betg publicitgads en Chesin Manella a Schlarigna e han discutà cun la moderatura Anita Capaul davart lur scriver. Il segund punct dubel ha gì lieu ils 9 da settember en la Chasa Rumantscha a Cuira. Claudio Spescha ha moderà il discurs e la prelecziun da Walter Rosselli e Claire Hauser-Pult che stevan sut in tema che ha chattà adina dapli atenziun ils davos onns: la translaziun. Plinavant ha l'ULR renovà sia purschida da newsletter «novitads litteraras».

Sustegn da lectorats e prelecziuns

La ULR sustegna prelecziuns dad auturas ed auturs rumantschs cun ina contribuziun finanziaria e porscha lectorats per promover la lavur litterara rumantscha. 2018 ha la ULR sustegnì 3 lectorats extendids. Sper il sustegn dals «puncts dubels» figurescha er ina contribuziun finanziaria al Festival da litteratura a Nairs («Machöja») sco sustegn da prelecziuns.

Ulteriura(s) purschida(s)

A chaschun da la radunanza generala da la ULR a Cuira hai dà in referat da la scienziada da cultura e litteratura Elisabeth Bronfen, ina occurrenza gratuita averta a tuts e tuttas che ha chattà buna accoglientscha.

Situaziun e sfida:

Infurmaziun davart litteratura ed auturas ed auturs rumantschs / preschientscha en il web

L'ULR ha cusseglià differentas personas ed instituziuns cun dar scleriment davart auturas ed auturs rumantschs, dentant era surtut cun far propostas a personas che tschertgavan auturas ed auturs rumantschs per differentas publicaziuns u translaziuns. Era las infurmaziuns davart la litteratura rumantscha èn dumandadas. L'entschatta da l'onn 2018 è ultra da quai la website surlavurada cumparida ed i ha dà bleras reacziuns positivas. Ulteriuramain resta era l'incarica sco associada da la CER.

Realisaziun:

Lavuratori da scriver

Ils 19 e 20 da matg l'onn scurrì ha l'ULR per l'emprima giada dapi onns organisà in atelier da scriver creativ che steva sut il tema «ditgas – ier, oz e damaun». El ha gì lieu en Casa d'Angel (Fundaziun da cultura Lumnezia) e sa cumponiva da dus referats e dus ateliers da scriver. Ils dus referents èn enconuschents scripturs rumantschs: Romana Ganzoni e Leo Tuor. Ils dus ateliers èn sa sviluppadas enturn duas tematicas: „ditga tar text“ e „fotografia tar text“ ed èn vegnids animads da Viola Pfeiffer e Benedetto Vigne. En tut 13 participants e participantas han fatg part dal lavuratori uschia ch'igl ha dà bleras e bunas discussiuns fritgavlas davart il scriver. Ils texts naschids durant quest lavuratori èn per part vegnids publicitgads en la Litteratura 37.

Litteratura 37

Ils 3 da november 2018 è stada als Ddl la vernissascha da la Litteratura 37. L'ediziun nr. 37, sut la redacziun da Silvana Derungs, Flavia Hobi e Benedetto Vigne, sa deditgescha a la tematica "meds e messadis". Reflexiuns davart la correlaziun tranter ils cuntegns dals texts e la furma dal text, il med da transport dal text, èn tema principal da questa ediziun. Vitiers datti era texts libers, recensius da cudeschs ed in necrolog.

28avels Dis da litteratura a Domat

Ils 28avels Dis da Litteratura (Ddl) a Domat han gù lieu dals 2 fin ils 4 da november 2018 e stevan sut il motto «tranter lingias». E sco usità han els pudì registrar in bun ed allegraivel dumber da visitadras e visitaders. Surtut il diner da gala da sonda saira è stà in grond success.

Finamiras:

Occurenzas 2019

Dals 19 fin ils 20 da matg organisescha la ULR in ulteriur atelier da scriver (probabel a Savognin). Plinavant sa participescha ella al di da litteratura a chaschun dal giubileum da 100 onns da la Lia Rumantscha a Zuoz. Er è gia previs il tema da la proxima Litteratura 38: MAR.

Facit:

Las accziuns principalas da l'ULR eran 2019 la reediziun dal lavuratori da scriver, la publicaziun da la nova website e da la Litteratura 37 ed il sustegn dals 28avels Dis da Litteratura. Ulteriuras incumbensas eran la tgira da contact cun ils commembers sco er il post dad infurmaziun per diversas dumondas concernent auturas ed auturs rumantschs. Sco associada da la CER ScRL ha la represchentanta da l'ULR era gù sesidas dals societaris da la Chasa Editura Rumantscha.

Suprastanza:

La suprastanza è stada la medema sco l'onn 2017.

presidenta	Viola Pfeiffer, Turitg
cassier	Benedetto Vigne, Turitg
assessurs	Flavia Hobi, Vilters Walter Rosselli, Montreux

Dumber da commembers: 117

Dumber da delegadAs: 4